





Imprimatur, si videbitur Reuerendiss. Patri Magistro Sacri Palatij Apostolici.

P. Episcopus de Curte Vicefg.

Imprimatur.

Fr. Gregorius Donatus Rom. Magister & Socius
Reuerendiss. P. Fr. Hyacinthi Petronij Rom.
Mag. Sac. Pal. Apost. Ordinis Prædicatorum.

ARGVMENTVM E M B L E M A T I S.



NTER alias astrorum imagines, quibus omne cœlum distinxit antiquitas, siue fabularum cupiditate, dum quisque suum inter sidera aspectabile sibi quærit numen, vel inane potius nomen; siue memoriæ iuandæ necessitate, ne mens Philosophantium, in innumerabili stellarum numero erabunda fluctuaret; siue studio transmittendi ad posteros rerum præclare gestarum memoriam; non ignobile signum Draconis est. Siue Draco is ille sit, quem Atlas Hesperidum Hortis nemore aurifero pretiosis custodem imposuit, & Hercules aureorum malorum cupiditate accensus interfecit, ab Atlante vero in cœlum relatus est; (erant enim illorum temporum mortales nimij in donandis alijs cœlo, quo ipsi indigni essent:) ibiq. tot flammeis oculis, adhuc in custodiam inten-

tus visitur, quot sideribus intermicat. Siue
ille, quem impia Gigantum turba, terræ pro-
genies, Mineræ aduersus se prælianti obie-
cit, illa vero volens aliquod Victoriæ suæ ex-
tare monumentum, sideribus intulit. Vt vt
sit, Herculis certè vel Palladis trophæum
est; gloriosumq. illi fuit non nisi à Disci-
plinarum Dea potuisse vinci, & non nisi ab Her-
cule occidi. Hic porro Draco eam cæli re-
gionem occupauit, in qua Zodiaci Polus ar-
cticus esset, qui & ideo cor Draconis à non-
nullis vocitaretur, quod suis illum vndequa-
que spiris obfessum, arctissime complexus fo-
ret; id quod eximia illa stella, medio Draconi
inscripta, explicuimus. Ex hoc Polo descri-
bitur Zona illa, quæ ab Astrologiæ peritis Zo-
diacus dicitur, translato è Græcia nomine pe-
regrino, vel à vita, quod eam subiecto orbi
influxat, vel ab animantium imaginibus, quæ
in illo depictæ sunt, plurimorum. Hic porro
circulus, præter eam qua Vniuersum ambit
vastitatem communem cum alijs, latitudi-
nem sortitus est singularem, liberosq. erran-
tium siderum lapsus, eà ita coerçet, vt extra
illum nullus vnquam Planetarum visus sit

aber-

aberrasse : Sol etiam ipse, luminum Rex , regia semper incedens via , immutabili cursu medium circulum obit, vtrinque non minorum modo siderum satellitio stipatus, sed maiorum etiam coronatus obsequio . Solus vero Draco toti æqualiter supereminens orbi, stellarum choreas , & sublimi lætabundus , quasi choragus quidam , despicit ; & dum dies numerat, sua beneficia expendit : dum vicissitudines anni observat, sua munera agnoscit; dum stationes erraticorum luminum examinat, beneficentiæ suæ notas quasdam inuestigat . Nos vero vt vitali Draconis lumini per solem ad homines effuso , umbram aliquam aspergeremus potius quam adderemus ornatum, notissimas quatuor anni partes curulibus inuectas sellis adduximus , quibus si feras novas adiunximus , sanè non otiosas . Neque enim volumus à cælestibus in terram descendere , vt aquilas Iouis , Lupos Martis, Mercurij Gallos, Veneris columbas , & alia sexcenta nobis compararemus , cum vitio Poëtarum, cælum adeo ferax istiusmodi ferarum sit , vt non tam Deorum sedes , quam animantium septum videatur : neque incon-

gruum tamen fuit , earum quibus sola terra
agitur imagines varietatum , cælestibus bel-
luis aduexisse , quando omnis illa vicissitudo
e cælo deriuatur . Et Ver quidem ante se agit,
quibus olim vsa Venus , olores ; habet enim
hoc proprium tunc annus, vt in nouam spe-
ciem rouiuiscens , lasciuire quodammodo vi-
deatur . Aestas canibus inuehitur , eò quod
summa tunc est , cum , vt ait Statius , Calido
latrauit Sirius astro, quem etiam in imagine
descripsimus . Equos Autumno subijcimus,
quod Apollini, qui idem cum Sole, sacri sunt,
cuius tunc beneficia in humanum genus am-
pliora , summa rerum cum vbertate & copia
conferuntur . Hyemem geminæ Vrsæ du-
cunt , siue quod animal hoc in Septentrione
frequens , siue quod ad Polum boreum , cui
frigidissimæ regiones subiacent , Maior , &
minor Vrsæ videantur .

Nobis quidem tota hac descriptione in-
animo erat, Illustrissimæ BONCOMPAGNO-
RVM familiæ DRACONEM exprimere, malui-
mus tamen illum in vmbra exhibere, quam
natiuis radijs collucentem exponere, quod la-
boriosum & temerarium fuisset, tutius rati

illum

illum in imagine sua venerari, hoc est cælesti, quam in seipso audacter contemplari. Hoc vero BONCOMPAGNÆ familiæ DRACO fælicior illo est, quod quem timeat Hercule non habet, quippe qui aurorum pomorum non modo seuerus custos ac vindex non sit, sed propriorum etiam donorū prodigus elargitor, & qui Præbeat, non Prohibeat. Quod si ille etiam Palladi obiectus fuit ad terrorem, iste Philosophiæ modo erit ad tutelam. Nec desuisset nobis, quæ describeremus Zodiacū; e Draconis corde, hoc est, GREGORII XIII. augustissimi Pontificis paterno pectore derivatum: quæ enim regio est quam ille suis beneficijs non obstrinxerit? quæ natio, quam suis donis non habeat obligatam? quæ provincia, quam suis muneribus non teneat de vincam? Sane si Zodiacus ille duodecim imagines refert, potuissemus numerare plusquam vigintiquatuor, partim Seminaria studiosorum adolescentum, partim alias ædes publicæ vtilitati erectas, atque inter illa Collegium hoc nostrum Anglicanæ iuventuti fundatū, adscribere. Veniant igitur sub umbra alarum GREGORIANI DRACONIS, quos

A 5 imposito

imposito desuper Sole, continua æstas perpetuis vrget caloribus: adsint quos placidissimum Ver, & fortunatissimus Autumnus mitiori cælo bearunt, accurrant quos habitabili pene exclusos orbe, extrema hyems conficit. Quæ dum alij pio obseruantia sensu perpendunt, alij diserta oratione explicant, nos reuerenti silentio inuoluimus. Illud solum tibi, ò Roma, & augurari, & precari libet, vt quemadmodum cælettis Draco, ex astris illis est, quæ tibi nunquam occidunt, ita Illustrissimæ familiæ huius splendor, in oculis tibi sit semper, & amor in corde.

DITHYRAMBVS IN DRACONEM

Gentilitium

ILLVSTRISS. PRINCIPIS
FRANCISCI CARD.
BONCOMPAGNI.



D *RACONEM* canimus,
faueite Musæ;
Draconem colimus, silet &
Turbæ.

Eia Romula pubes,
Sanguis inclyte Teucris,
Eia vultus explicæ serenos,
Leuibus detur ludus zephyris
Laxa seuerâ sine lege coma,
Nexaq. manu ducat faciles
Tantis per ouans turba choræas,

A 6 Dum

*Dum caua multisforo resonant spirami-
ne buxa,*

*Dum riuulos grauidus fundit calathi-
scus acanthos,*

Et vernat florea redimita aspergine

Tellus

Dracnem canimus,

Non virenti spumeum salina,

Non minaci stridulum susurro,

Non oris halitu,

Non dentis ictu,

Linguae fletu noxium.

Qualis vel trifide iugera Phocidis,

Sanie tumentem liuida gliscens cutim

Implebat Anguis, qui tibi Delie

Vltor Parentis lancinatus

Sylvam vexit arundinum,

Et clara certaminibus

Liquit nomina Pythijs.

Qualisue Ogygiapalude merfus

Sidonia profugos arena

Ingluuiet rapuit voraci,

Cadmiq.

*Cadmiq. funeratus ictu
 Milite in armis onno reuixit.
 Canimus cicurem, innocuum colimus,
 Qualis fulget gentilitius
 FRANCISCI DRACO BONCOMPAGNI.*

*Draco mitior bidentibus,
 Catellulisq. blandior,
 Hædillulisq. mollior,
 Columbulisq. suauior,
 Cygnisq. gratiofior:
 Qui nec verendus sibilo,
 Qui nec tremendus spiculo,
 Qui nec venenis horridus.*

*Testantur id clienti
 Fastidiosa nusquam,
 Iniuriosa nunquam,
 Aperta cunctis, benigna egenis,
 Vestibula FRANCISCI.*

*Testatur usque vota
 Supplicantis ad popelli,
 Summis proxima iuaris,
 Summis æmula coronis,*

Porrecta

Porrecta blandè Purpura .
Draconem canimus, fauete Musæ;
Draconem colimus, filete Turbæ .
Quid propinquis obrigescens Colche
nimbis Caucaſi ,
Excubitus memoras perennes ,
Inquietis diuitum
Cuſtodis penetralium ,
Vbi radiante villo
Aurea ramosa ſplendebat ab ilice lana ?
Quid retrogradi igne Solis uſtulatus
Aethiops
Somniſugos recinis labores ,
Pertinacis uſque opum
Cuſtodis nemoralium ,
Vbi rutilante ramo
Lutea Atlantiadum fulgebant mala ſo-
rorum ?
Rapta ſunt flauis ſua poma lucis ,
Rapta Phryxææ pecudis metalla ,
Cuſtoſq; vterq. ſempiterno
Captiua dedit lumina ſomno .

Dicite

*Dicite mecum, dicite pueri ,
Inuietas medicamine
Nocentiore Colchico ,
Infraetas stratagemate
Potentiore Maurico ,
Tutoris Urbis, Custodis Orbis
GREGORII excubias DRACONIS .
Ille securos dedit esse, sana
Quos Fides septis sociavit vnis ,
Cum Vaticanis excubaret arcibus ,
Vigil regerere nec absque damno
Fulmineos sua tela in hostes .
Illi vorticibus Styx nigricans nocticolo-
ribus
Concussa infremuit , pulsaque portenta
irifauca
Pallens Erebi, in Tanari sese
Præcípites dederunt cauernas .
Centum illi geminis prodigiosior
Cervicibus , retusa sibilos
Repressit angues Hæresis .
Hæresis atrox , serpentigerum*

Illa

*Illa sororum quarta, sed una
Cunctis exitialior.*

*Novit Vrbs & novit Orbis,
Nec silebit Vrbs nec Orbis
GREGORIANI tempora sæcli.*

*Quando sospitabat æqua Astræa mun-
dum truiua,*

*Quando prosperabat orbem lapsa celo
Fausitias,*

*Quando flores Flora, quando poma Po-
mona edidit,*

*Et beabat vberanti cuncta cornu copia.
Draconem canimus, fauete Musæ,
Draconem colimus, silete Turbæ.*

*Merito mori prohibes Eleusis
Spicigerosq. volatus,
Frugiferosq. labores,*

*Seminatrices segetum quadrigas
Trabentium Draconum.*

*Illi indefessis nubila cursibus
Tranantes volucres, legiferæ Deæ
Fudere ubique munera,*

Agrosq.

Agrosq. primi fræna docuerunt pati.
Tunc rigida carpsit satur Flice fertiles
aristas,

Rapuitq., pastus antiè glande spicas.
Tunc æsculeta culta pepulerunt sata,
Tellusq. Mater pro rubetis
Triticæo rutilauit auro.

O Roma rerum apex
Et præmiatrix optimi,
Vt fulminatrix pessimi,
Quanto tergemino sidera celsior
Propius flagellas vertice,
Fortius eia tantò

Et tuum, & BONCOMPANIVM famige-
ra Draconem.

Aera funde, saxa finde,
Victura sculpe marmora.
Fremat Canopus, frendeant Cares suos
Detumescere turrium tumores,
Denitescere molium nitores,
Obsolescere marmorum decores,
Dum sempuernis Pyramis spirans notis
Adlam-

*Adlambit astra, posteris testis
Futura terras quas volando
GREGORIUS recrearit Ales.*

*Ille non mundo veteri acquiescens
Spargere effusis sua dona plaustris,
Alijs tepidos solibus orbes,
Alijs petijt consueta regi
Aequora stellis, atque Herculeos
Vlira silices, ultra aurifluas
Gangis arenas, sua largifluus
Semina vexit.*

*Draconem canimus fauete Musæ,
Draconem colimus, silete Turbæ.
Quin age qui multo suffusus sidere
squammas*

*Premis minores lampadas,
Immaniq. trahēs sinuosa volumine terga,
Arctos virasque diuidis,
Stellate Serpens: Qui medius rotas
Bissena circum signa transuersim
Zonas secantis fasciæ;
Ignibusque vendicas tuis*

Quicquid

Quicquid benigno fidere ,
Quicquid propitio fulgure ,
Quicquid sereno iubare ;
Septenus Erronum chorus
In patulum iaculatur orbem .
Age flammigeros occule vultus ,
Scintilliuomas absconde faces ,
GREGORIO. Draconi
Comparatus , erubesc
Aequari tua munera .
Tota sunt tua : quæ vel in tepentes
Telluris irrorat sinus ,
Niueis volans per arua cygnis
Floricomus Anni Ver iuuenculus .

Quando gelati
Cærule Nerei
Regna, niuali
Compede laxant
Zephyri molles ; repetitq. suas
Prodigus animæ Nauia merces .
Quando gemmas trudit Arbos ,
Quando pingit risus agros ,

Et

*Et roseta rubescunt,
Et vireta uirescunt,
Hederæq. pullulascunt,
Violæq. purpurascunt.*

*Tuum est: ferace quicquid
Exsudat agri cespitæ
Igneo potens Aestas Cane,
Cum fluctuante lenè flauescens coma
Ceres inaurat arua,
Et terit tostas stipulæ volante
Area messes.*

*Robustiore cum viret trunco nemus,
Et grandiuscula
Iam pondus inclinatis
Incipiunt dare poma ramis.
Tuum est: sereno quicquid excoctum
Sole, racemiferis caput impeditus uis,
Saporem dulci Autumnus elaborat;
Cum fronde languens Arbor incuruâ
Dat Domino sænus sua viscera,
Et de maritis vulsa truncis
Purpureis gemit uua prælis.*

Tuum

*Tuum est quod vdis ante creditum
Telluris penetratibus,
Ipse senex Anni glacialibus horridus
Vrsis
Semen alumnat Hyems,
Et quod Terra parens assiduus hausta
laboribus
Tunc vires reparet suas.
Tota sint isthac tua : Non minora
Depluit regaliter,
Fuditq. liberaliter,
Per mare, per patula æquora terræ.
GREGORIANI Stemmatis Ales.
Stupebis ipse cuncta lustrantem,
Mirabere ipse singula fouentem,
Fateberisq. digniorem.
Qui Mundi dominas flectat habenas.
Quicquid recente Phæbus afflat equo
Madens Eoo gurgite,
Temone quicquid lustrat emerito
Tingendus vdo marmore,
Quicquid cauernis conspuat Scythicis
Boreas*

*Boreas nivoso vellere ,
Quicquid cacuminibus Notus Lybæis
Radit tepente flamine ,
Perfudit omnia DRACO GREGORIUS
Manante latè munere .*

*Roma Romulei medulla Mundi ,
Quid Præsidi , quid Principi ,
Quid Parenti debitum
GREGORIO negabis ?*

*Non exedenda sæclis ,
Non exterenda nimbis ,
Quà Vaticanis , quà Quirinis ,
Quà Cælijs , quaque Exquilinis
Monimenta liquit arcibus .
Aucta sacris , ducta regijs Roma in
astra molibus ,
Palladijs rutilans Lycæis , Pube fulgens
florida .*

*Quid Præsidi , quid Principi
Quid parenti debitum
GREGORIO negabis ?
Vivificos sensistis ,*

GRE-

GREGORIANI luminis ignes ,
Munificos hausistis ,
BONCOMPANII fluminis imbres ,
Et Tu vel toto diducta Iaponia Mundo,
Quique teris Libani subiecta noualia
cliuo ,
Sensistis Graij , sensistis Pannoncs , &
quã
Danubij in victam circum latrat vnda
Viennam ,
Et quã turrigeros attollit Grecia muros ,
Quid Morauos memorem, Quados, aut
Marte potentes .
Vindelicos , Celtas , Lituanos Illyricos-
que ?

Entheum rapis Anglia ,
Quæ tua lumina , quæ tua semina
GREGORIANIS ignibus , horreïs ,
Mutuata iactitas ;
GREGORII Q. Neponibus
Intimos non vltima
In sinus cupis inferi .

Age

*Age GREGORIIS Insula felix,
Spes imbibe antiquas,
Spes repete sopitas,
Festinat ecce Purpurâ etiamnum eluens
GREGORIUM dare GREGORII Nepos.
Maeste FRANCISCÆ, alitibusque faustus
Quamias Virtus tibi stravit aquas,
Scande per summum titulos honorum;
Perge qua signis radians Auitis
Te Draco sensu trahit inuoluto:
Euge rediunt spes Britannicæ,
GREGORIUS.
Nominis Hæres,
Mentis & Hæres,
Omina firma,
Nomina firma:*

L A V S D E O.

EX LIBRIS
BIBLIOTHECÆ
MUSEI
HISTORIÆ
NATURALIS
ROMÆ